


پکنجی نہ

مکذنجی صالہ

دَارُ الْفُنُونِ
الْهَيْئَةُ الْوَلَدِيَّةُ لِكَلْبَتِ مَجْمُوعَةٍ

تاریخی ، اجتماعی ، دینی ، فلسفی

مارت — ۱۹۲۸



شہزادہ ہاشمی : اوقاف مطبعہ سی

۱۹۲۸

سامی دینلرده قربانک ماهیت و فعالیت

۱

بو وبونی تعقیب ایده جک تدقیقلر ایله یالکیز سامی ملتلرده قربانک ماهیت و فعالیتنی تتبع و تشریح ایتمک فقط بوکا متفرع اولمق اوزره عینی زمانده قربانک عمومی برنظریه سنی تأسیس تشبثی موضوعمدن خارج براقق ایسته یورم . ذاتاً منحصرأ سامی واقعه لره استناد ایدره ک قربانک عمومی بر نظریه سنی انشا ایتمک تشبثی غیر علمی ایسه ده بوکا مقابل سامی واقعه لره ک باشلیجه وجهه لری تام و واضح اولدیغندن یوملارده مثبت واقعه لر ایله واصل اولاجغمز نتایجی ، دیکر ملتلرده مشاهده ایدیلن قربانلر واقعه لرله تأیید و یا تعدیل ایتمک علمی اصول نقطه نظرندن ک موافق بر طرز تدقیق و مبدأ حرکت در . اساساً دینی ، منسکی ، هر هانکی شایان دقت برانکشافه مظهر اولمش بالجمله ابتدائی ملتلرده ، بوتون عبادت افعالک انمودجی شکلی قربان مؤسسه سی اولدیغنه کوره بو مؤسسه نک مشکل ، فقط ضروری ترکیبته یعنی عمومی بر نظریه سنی تأسیسه مختلف اجتماعی مسلکله منسوب علما تشبث ایتمشلدر . بو مختلف نظریاتی بوراده تلخیص ایتمکدن زیاده باشلیجه لرینی صره سیله قید ایتمکله اکثفا ایده جکم :

قربانک عمومی بر نظریه سنی علمی صورتده ایلمک دفعه ایضاح تشبثی ، انکلیز آنتروپولوژی مکتبی پیشوالرندن پروفیسور E. B. tyler [۱] ندر . بوندن صوکره آنتروپولوغلرک پیش استفاده سنه Mac Lennan عرض ایتدیکی معلوماتدن استفاده ایدره ک بو موضوعک بوتون متعاقب تدقیقلرنده دائماً بویوک براهیتی حائز بولونان پروفیسور W. R. Smith ک [۲] استادانه مساعیسی ذکر ایدیلک ایجاب ایدره . سورجه یمس فره یزر Sir James . Frezer [۳] ، روبرتش سمیث ک قربان حقه ده کی نظریه سنی تنقید ایتمکدن زیاده انکشاف ایتدیرمشدر . D. Marillier [۴] ، Mubest و Naurs اولکیلرک نظریاتی تنقید ایدره ک قربانک عمومی

[۱] بحث ۱۸ ایکنجی جلد E. B. tyler, primitive Culte, saerifiee ص ۳۶۲-۴۴۲

[۲] ص ۲۱۳ - ۲۴۰ و متعاقب لری W. R. Smith, the religion of the semites

[۳] شوراده بوراده Sir J. Frazer, Golden Bough

[۴] D. Marillier, ea plae du totemism dans l' évolution Religieuse, Rvue d'histoir des religios XXXVI جلد ۱۸۹۷

نظریه سنی یکیدن تأسیسه تشبث ایتشلردر [۱] بونلردن صوکره Semend [۲] و N. j. daolrangé ك بوخصوصده مساعیلرینی ذکر ایده بیلیرز [۳]. بومساعییه Cutiss ك بوتدقیقلرده اعظمی استفاده ایتدیكم والیوم مشاهده ایدیلن واقعهره مستنداً اجرا ایتدیكى درین تدقیقات و مشاهدات ایله واصل اولدینی نتایجیه توفیقاً قیمتدار استنتاجاتی محتوی اثرینی ده بورایه علاوه ایتلیم .

شیمدی قیصه بر مقدمه اولق اوزره قدیم دینلر اعمالنك ، الوهیت ایله عابدلر آراسنده ثابت برتلاقیکاه موجودیتی استلزام ایتدیردیكى بویله بر تلاقى محلی انتخابی ایسه ، اول امرده بعض یلرله بر اللهك طبیعتیه دائماً کیتمکده اولدیغی بناءً علیه بویله یلرلر مقدس محل بولونماسی ملاحظه سیله تعیین ایدلیدیكى سویلیه لم . فقط عابدلرلر مقدس محله ساده جه عبادتی ادا ایتسی منسکلرلر بر جوقی ایچون غیر کافی در : عین زمانده بالذات الوهیتله تماس دخی ضروریدر . اللهك حقیقه موقی والهی حیاتك مادی تجسدی بولندیغنه اعتقاد ایتدیكى بر آغاچ یاخود مقدس بیکار ... الخ کی طبیعی برشیئه قارشى عابد حرمتی توجیه و تقدیم ایتدیكى یاخود اللهك حضور و موجودیتك صنعی اشارت و علامتی یانه کلدیكى زمان ، آنجق بویله بر تماسده بولندیغنه اعتقاد ایدیور . الكاسکی سامی دینلرده بواسارت و علامت ، هم صنم وعینی زمانده هم مذبحه اولان مقدس برطاشدر . مؤخر زمانلرده ایسه مقدس طاشك ابتدائی ، اصلی وظیفه لری صنمله مذبحه آراسنده تقسیم ایدلیدیكى ایچون بونلر یان یانه طورور . صنم اللهك موجودیتی تمثیل ایتدیكى کی مذبحده عابدك تقدیمه لری قیبوله خدمت ایدر . عبادت تام اولق ایچون اللهك حضورنده ساده جه اوضاع حرمت و دعا کافی کلز : فقط اللهك حضورینه بعض مادی شیلر یعنی قربان تقدیم ایتکی دخی استلزام ایتدیکنندن بر حریم الاحرامی تماماً تشکیل ایتك ایچون هم صنم و همده مذبح موجود اولماسی ضروریدر [۵] .

[۱] Hubert et et Mauss, Essai sur la nature et la fonction du lea saeriffie

آنه سوسیولوژیک ، جلد ۲

[۲] Semerd, Dehrbu ch ter Alttest. Religions geschichte ۱۳۸ و شتافلری

[۳] N. j. Dagrangé, Études sur les religions sémitiques ۲۷۴-۲۴۷ یدنجی بحث، ص

[۴] Prof. S. I. curtiss, Primitive semitic Religion to-day

[۵] کتاب مقدسك رسمی انکلیزجه ترجمه سنده عبرانجه « Zéboeh » و « U ninhá » کله لری

« قربان و تقدیمه » یعنی « قانی و قانسز تقدیمه ل » اولق اوزره ترجمه ایدیلشدر . حالبوکه تقدیمه

سامیلرده قربان سیستمی حقنده بیلدکاریمز مع الاسف قدسده ایکنجی معبددن اعتباراً باشلايور. [۱] لاولولر کتابنده تصویر ایدلدیکی وجهله، هر نه قدر قدسک منسکی بحرانی کتابنده تصویر ایدلدیکی وجهله هر نه قدر قدسک منسکی عبرانی قربانلریله قومشولری اولان ملنلر آراسنده قربان شکلی نقطه نظرندن مادی بر فرق بولونمیان زمانه قدر ارجاع ایدیله بیلن چوق اسکی بر عنعنیه استناد ایدیور ایسه ده عبرانی قربان سیستمه اورتق قربانک بر عبادت ماده سی و عبادتک مجموعی اولمادینی بر زماندن باشلايورز :

بابله کذران ایدن اوزون اسارت سنلرنده یهوا ایمانه صادق قالمش اولان اسرائیللر ، اللهلرینه قربانسز و قدسده سز یا قلاشایلمک قابل اولدیغنی اوکر مشلر کنعان ایله عودت ایتدکاری زمان اورتق دینلرینک اسکی شکلنه دوئمه مشلردر . فی الحقیقه بر مذبحه انشا ایتمشلر و پیغمبرلرک تعالیمه تشبیه قانونی و بالخاصه بالکنز بر حریم الاحرامه شایان قبول بر تقدیم ایدیله بیله چکی عهدیه سیله تألیف ایدره رک اسکی عنعنه تک عمومی خطلرینه توفیقاً منسکی عاداتاً تأسیس ایتدیله . اساساً الله ایله انسان آراسنده انسیتک مثبت واسطه سی

کلمه سی ، خاصتاً قربانلری دکل ، کذلک مذبحده ادا ایدیلن تقدیمه لردن تماماً فرقلی بر صنف تشکیل ایدن نذرلری دخی احتوا ایتدیکندن ده چوق شموللی بر تعبیردر .

[۱] موسی بش کتابنک منسکی قانونلری عزرا پیغمبرک (قبل المیلاد ۴۴۴) اصلاحاتنده اسرائیل دیننک شریعتی اولقی اوزده قبول ایدیلش و عمومیتله رهبانی قانون نامیله تسمیه ایدیلش اولان بعدالتبعید و تبعیه حائدر . لاولولر کتابیله برابر بوکا متصل بر وجه آتی کتابلرک اقربا اقسامی رهبانی شریعتیه حائدر : خروج XXV - XXXI بابلر ، X - XXXV بابلر ، اعداد I - X بابلر ، کنذا XIX - XV ، بعض اهمیتسز مستثنالریله XXXVI - XXV بابلر . آدمدن اعتباراً یشوعه قدر مقدس تاریخک بر تشریحی بوجهله ایله اشتراک ایتدیکی کبی تاریخی فصللرده دخی ، بالخاصه XII نجی بابده بعض منسکی مادهلر بولنور . قبل التبعید آتی تمثیل ایدن فصیح باریق قانونی ، بو بابده باشلیجه - رهبانی عهد ایدلشد . تشبیه کتابی (تقریباً قبل المیلاد بدنجی عصر) و خروج XX - XXXIV بابلری کبی اک اسکی قسملری ، قدیم زمانلرده رهبانی عنعنات موضوعلری اولدیغنی حالده بر شریعت کتابنده بولونمایان منسکی قاعدهلر حقنده یک آز معلومات ویرلر . اساساً موسی بش کتابنه عائد اقسامک ربط و تسلسلی و تاریخلری حقنده طوغری بر فکر ایدینک عبرانی دخی تاریخک تدقیقنده اساس اهمیت حائدر . بومسئله تک بوتون تفصیلات و مناقشه لری X ایچون باقیکنز :

Wellhausen , Prolegomena to the History of Israel

انکلیزجه ترجمه سی

W. R. Smith, the old Testament in the Jewish encyclopedia کنذا

Pentateuch ، مقاله سنه ،

کنذا بریتانیا آنسیکلوپه دیسنده

Prrof . Driver, introduction to the literature of the old

Testament , old Testament History

عنوانلی اثرلره

اولوق اوزره قربانک اسکی اهمیتنی تماماً احایه بو پرنسیپ یالکیز باشنه کافی کلمشدی. اسکی زمانلرده هر شهرک کندیسنه مخصوص بر مذبحهسی اولدینی ایچون محلی حریم الاحرامی زیارت هم قولای و همده حیاتک هر مهم حادثهسی تقدیسک آشکار طریق ایدی. حالبوکه بویکی شرائط داخلنده کونلک دینله قربان عبادتی امتزاج ایتدیرمک امکانشزدی. بویلهجه ایکسجی معبد عبادتی ملی حیساتله درونی ارتباطلرینی غائب ایتمش اشکالک احیاسی دیمک اولدینی ایچون اصلی معناسنک اک بویوک قسمنی غائب ایتمشدی. لاولولر کتابی منسکی تفصیلاتنک مکملیتنه رغماً بوتون عبادت قربان شکلی آلتنده تمرکز ایتدیکی زمانکی هر نوع مذبحه عبادتنک اسکی دیننده صاحب اولدینی موقع حقنده واضح برفکر ویرمه بور. بعض خصوصلرده پت پرستلک اعمالنک طرد و تخریبی آرزوسی، دینی افکاره صراحت ویرمک ضرورتی، خلقی ممکن اولدییی قدر مذبحه دن اوزاق طوتارق قربانی آنجیق رهبانی صنفه مخصوص بر مشغله یایمق ایچون یوکسلن تمایل، قدیم اعماله غیر معلوم سیالری منسکه ادخال ایتمش اولدینی قبول ایتمه من ایچون کافی سببلردر.

لاویلور شریعتنده قبول ایدیلن باشلیجه اوچ قربان نوعی شونلردر :
(۱) Ola یا قه قربانی

(۲) Shélan, pèbak یعنی اساسی قربان اتی تشکیل ایدن یمکله توافقی قربان

(۳) Hattath یعنی کناه قربانی و oshan خطا قربانی

بونلردن O'la و Zsbah اسکی ادبیاتده دخی علی الاکثر ذکر ایدیلشدر. اساساً بوتون حیوانی قربانلر یا قه قربانه و یا خود دیکرینه داخل اولیورمش کبی O'la و Zsbah برابر ذکر ایدیلشلردر. حزقیال پیغمبر زماننده بومقصده مخصوص بر تقدیمه نوعنک اثری یوق دینه جک قدر آزدر. [۹]

بحرانی قربانلری خصوصنده قبل التباعد ادبیاتدن صراحتاً چیقاریله بیله جک قطعی فرقلر شونلردر :

[۱] بائیکیز : و له اوزن ، الح ... prolegomena بحث ۱

قربان نوعلرینک عبرانی اسملری ، مختلف قدملردن دولابی رهبانه تأدیله ایدیلن عوادی کوسترن قارتاجه قربان ترفه لایله مقایسه ایدیلشدر ، بوخصوصده :

Philippe Berger, un nouveau Tasifs des sacrifices à Carthage, in Revue de l'histoire des religions, ۱۹۱۰ سنه سی ، ۶۲ نجی جلد

René Dussausd, des Tarifs sacrificiels Carthaginois et leur rapport avec le lévitique, in ravue de e'histoire des religions ۹۳ - ۷۳ سنه سی

- ۱ — حیوانی و نباتی ، — Zebah و minha — تقدمه لر آراسنده کی فرق
 - ۲ — آتشله استهلاک ایدیلن تقدمه لر ایله ساده جه مقدس سفره یه وضع ایدیلن تقدمه لر (حضور اکبری) آراسنده کی فرق
 - ۳ — مذبحده استهلاک ایدیلک اوزره تماماً اللهه تسلیم یاخود خدمتیه آماده بولوندیربیلان قربانلر ایله ، عابدلرک الله ایله برلکده مقدس شیلره برابر اشتراک ایتدکری قربانلر آراسنده کی فرق
- Sebahim یاخود علی العاده قربانلر یعنی قربان کسیدلر کدنصکره قانی مذبحیه سربیلن باغیرصاق و یاغیری ایله سائر بعضی اعضاسی یا قلمقله برابر ، قربان آنک بویوک بر قسمی ، بر قربان ضیافتی تشکیل ایتک اوزره تقدیم ایدنه براقیلان قربانلر ، بوصوک صنفه عائددر . قدیم اولدینی محقق و دیگر سامی ملتلرک قربانلرینه دخی قابل تطبیق اولان بواج فرق ، بوموضوعه دائر اولی برتدقیق مناسب صورتده تقسیم وتنظیم ایدجهک اوج ماده تلقین ایدره فقط قربانی عبادتک منشأ ومعناسی مسئله سنک اکرین وجهه لر یله قارشولاشمق ایچون اوجنچی ماده یه واصل اولمالی یز .

I قربان ماده سی :

البسه لر ، سلاحلر ، خزینه و سائر کئی نذری تقدمه لردن فرقلی اولمق اوزره قربانلری حیوانی و نباتی تقدمه لره آیرمق ، قربانلرک یه نیلن ، ایچیلن ، معطر — کونلک ، بخور ... الخ کئی — ماده لردن انتخاب ایدیلش اولماسی پرنسپینی استلزام ایدر . فی الحقیقه کاملاً دکلسه [۱] اکثریا قربانلر ، انسان غدالری آراسنده استهلاک عمومی اولان ماده لردر . بومسرو داتمز ، بالخاصه لاولیلر منسکی ایچون تماماً طوغریبدره فقط یالکنز حیواناتی موضوع بحث ایدر ایسهک حتی اک مؤخر بت پرستلک مناسککنده بیله ، مع هذا مهم استئثار ایله ، معتاداً آتی انسانلره ممنوع اولان مقدس یاخود ناپاک حیوانلرک دخی برچوق مراسمی اسباب ایله تقدیم ایدلیکنی و یه نیله بیلدیکنی کورو یورز . بوفوق العاده قربانلرک قدیم زمانلر منسککنده چوق بویوک اهمیتی حاز اولدیغنی ، قدیم قربانی یمکلر خصوصنده کی نظریه بونلره مستند بولوندیغنی بالآخره عرض ایدجهکیز . مؤخر زمانلرک بحرانی قربانلری ایسه عمومیتله سامیلرده مستعمل حیواناتک کافی درجه ده انمودجی دره . لاولیلر کتابنه نظراً نیمسته مساعده ایدیلن و قربان ایدیه بیله جک حیواناتک برلیسته سفی بوجه آتی تلخیص ایدیورز :

اول امرده بونلر « طاهر » ودرت آياقلى اولان حيواناتدر :

« رب موسايه وهارونه دیدی که: بنی اسرائیله زمین اوزرنده یولونان هپ حیوانلردن ییه جکگز حیوانلر بونلردر. حیوانلردن هر برچاتال و یاریق طرناقلى اولوب کویش کتورانی ییه سکز ... صوده اولانلرک جمله سندن شونلری ییه سکز یعنی صوده کرک دکزلرده ، کرک ابرماقلرده قانادلى وپوللى اولانلرک جمله سنى ییه سکز ... فقط درت آياق اوزرنده یورویان، قانادلى حشراتک جمله سندن بونلری یعنی یراوزرنده صیچرامق ایچون آياقلردن یوقاری باجای اولانلری ییه سکز. آنلردن بونلرک یعنی چکرکه کبی نوعلریله، جدجدی نوعلریله ، صرغولی نوعلریله و جندبی نوعلریله ییه سکز » (لایولور ، اون برنجی باب ، ۱ - ۳ ، ۹ ، ۲۱ - ۲۲) .

عینی درت آياقلى حیوانات ، قربانلر مناسبتیله معبدده رهبانه تأدییه ایدیلن عواید تعرفه سنى بیلدیرن قارتاجه کتابه لرنده [۱] و Hieropolis ده (پاموق قلعه) سسوریه منسکن ایضاح ایدن، Dea syrida [۲] عنوانی اثرده مذکوردر . فقط ، درت آياقلى بر حیوان اولدییی حالده اسرائیللرده دوه نك نیمه سى و قربان ایدیلسی ممنوعدر : « فقط کویش کتورانلردن یاخود چاتال طرناقلى اولانلردن دوه یی ییه سکز ، زیرا کویش کتورر ایسه ده چاتال طرناقلى اولمیدی ایچون سزه ناپا کدر » (لایولور ، اون برنجی باب ، ۴) بوکا مقابل عربلرده دوه عمومی برغدا و همده عمومی بر قربان ماده سى در . یونانیلرده یه نیلیدیکی کبی ، عینی زمانده قربان دخی ایدیلن طوموز ، بوتون سامیلر ایچون ممنوع برغدا ایدی : « طوموزی دخی یه میه سکز ، چونکه چاتال و یاریق طرناقلى ایسه ده کویش کتورمیدیکی ایچون سزه ناپا کدر » (لایولور ، اون برنجی باب ، ۵) . مع هذا پت پرست حرانلیلر طوموزی قربان ایدلر و سنده بر دغه طوموز اتی یلردی . بومراسم قبریسده سامی « آفرودیت » و « آدونیس » عبادتی مناسبتیله دخی کورلیدیکی ایچون ، قدیمدر . آفرودیتک معتاد عبادتنده هر نه قدر طوموز قبول ایدیلر مش ایسه ده ، ینه قبریسده یبانی طوموزلرسنده بر دغه نیسانک ایکیسنده قربان ایدیلردی . [۳] عینی قربانه اشعیا کتابنده دیگر ایکی غیر طاهر حیوانات ایله یعنی کوپک و فاره ایله

[۱] فیلیپ برژه ورنه دوسودک سالف الذکر مقاله لری

[۲] م . ژ . لاغرائز ، سالف الذکر اثر . ص ۱۳۲ و متعاقبلری

[۳] و . روبرتش سمیت ، سالف الذکر اثر ، ص ۲۹۱

مشترکاً تصادف ایدیورز . اشعیا کتابنده بو عبادته پت پرستلک کریمه عادی اولمق اوزره اشارت ایدیلشدیر : « قبرستانده اوطوررلر ، کیزلی یرلرده کیجه لرلر ، خنزیر اتی یرلر ، قابیلنده مکروه شیلردن چوربا وار » (اشعیا ، ۶۵ نجی باب ، ۴) . « صیغیر بوغازلایان آدم اولدوران کی ، قوزی ذبح ایدن ، کوبکک بویوننی قیران کی ، اتمک تقدیمه سی تقدیم ایدن خنزیر قانی تقدیم ایدر کی ، بخور یاقان پته طابنان کی در . حقیقه آنلر کندی مسلک لری سجدیلر و جانلری مکر وهاتلرندن خوشلانورلر » (اشعیا ، آلمش آلنجی باب ، ۳) ، « بانچه لر اورتاسنده برینک آردی صره کندیلری تقدیس و تطهیر ایدنلر ، خنزیر اتی و مکروه شیلر وفاره ییه نلر برلکده هلاک اولاجقلر دیورب بیورور » (اشعیا ، آلمش آلنجی باب ، ۱۷) . طوموزک سوریه لیلرده مقدس اولدیغی Lucien او کره نیورز [۱]

کلدانیلرده ، طوموز قربان ایدیلدیکی خصوصنده علملر اتفاق ایدیورلردی . فقط موسیو Craig ک نشر ایتش اولدیغی متلری ترجمه ایدن راهب Martin [۲] طوموز قربانک موجودیتنی اثبات ایتشدیر . فی الحقیقه مارتنه نظراً ، طوموز ، آغیر برخسته لغه دوچار اولان کیمسه ، ایچون ، کونش اللهی « Chamach » . قربان ایدیلوردی [۵] . اینک ، قاراجه ، غزال و دیگر او حیوانلری ونوعلری عبرانیلر یه دکاری حالده قربان ایتزلردی . بونک اسکی برقانون اولدیغی تئنه کتابندن آکلایورز : « لکن سنک جمله قابولرنده ربک سکا ویردیکی برکته کوره جاننک ایسته دیکی هر نه ایسه آنی بوغازلایوب اتی ییه سن ، آنی ناپاک و طاهر اولان کیمسه جیران و کییک یه نیلدیکی کی ییه سن ، آننجق قانی یه میوب آنی صوک کی یه دوکه سکز » (تئنه کتابی ، اون ایکنجی باب ، ۱۶) صربلر غزالی ناقص برقربان تلقی ایدرلردی . طمعکار برکیمسه قویون یرینه غزال قربان ایدردی . [۳]

لاویلر قانونی ، یاقه قربانلریله بعض تطهیری مراسملره منحصر اولمق اوزره قوشلر آراسنده قربان ایدیله بیله جک حیوان اولمق اوزره یالکز کوورجین و قومریلری قبول ایدیور : « اکررب ایچون محرقه اولاجق قربان قوشلردن ایسه قربانی قومریلردن ویا کوورجین یاورولرندن تقدیم ایتسون و کاهن آنی مذبحه یاقلاشدیروب باشنی کسه رک

[۱] لوسیون ، سالف الذکر اثر

[۲] وهله اوزن ، Reste des arobischen Heidentums ص ۱۲۱ . کذا لاغرائز ،

سالف الذکر اثر ، ص ۲۵۴

مذبحده یاقسون وقائی مذبحک یانسه آقیدلسون ، (لایلولر ، برنجی باب ، ۱۴ - ۱۵) ،
 « رب موسایه خطاباً دیدی که : بنی اسرائیله سویله که برقادین حامله اولوب برارکک چوجق
 طوغوردقده حیضی کونلرنده آیلدینی کبی ناپاک اولاجق ، یدی کون ناپاک اولسون ...
 مرقومه دخی دم نفاسندن تطهیری ایچون اوتوز اوچ کون اوطوروب تطهیری تمام
 اولمايخه برنوع مقدس شینه طوقونمايوب مقدسه کیرمسون . اکر قیز طوغورور ایسه
 حیضنده اولدینی کبی ایکی هفته ناپاک اولوب آلتش کون دم نفاسندن تطهیری ایچون
 اوطورسون ، اوغلی وقیز ایچون تطهیری کونلری تمام اولدقده کاهنه جماعت چادیرینک
 قاپوسنه محرقه اولمق اوزره برییللق برقوزی وکنه قربانی اولمق اوزره برکوه جین یاوروسی
 یاخود برقومری کوتورسن ، اودخی اوتی ربک حضورینه تقدیم ایله مرقومه ایچون امر
 کفارتی اجرا ایتسیله مرقومه دم نفاسندن طاهر اولور ا ارکک یاخود قیز اولادطوغوران
 حقنده قانون بود . اکر قوزی کوتوره من ایسه بری محرقه دیکری کنه قربانی اولمق
 اوزره ایکی قومری یاخود ایکی کوررجین یاوروسی آلوب کاهن دخی آنک ایچون امر
 کفارتی اجرا ایتسیله اوطاهر اولاجق در » (لایلولر ، اون ایکنجی باب ، ۱ - ۸) .
 جذاملونک تطهیری ایچون « واکر فقیر اولوبده بوقادار کتوره من ایسه کندیسسی ایچون
 امر کفارتی اجرا ایتک اوزره صالامه تقدیمسی دیوصوج قربانی اولمق اوزره برقوزی
 وانمک تقدیمسی اولمق اوزره یاغلا یوغورولمش برعشر خاص اون بر لوج یاغ آلوب
 بولایلدیکنه کوره ایکی قومری یاخود ایکی کوه جین یاوروسی آلسون ، بری کنه
 قربانی او بری محرقه اولارق تطهیری ایچون آنلری سکزنجی کونده جماعت چادیرینک
 قاپوسنده ربک حضورینه کاهنه کتورسن » (لایلولر ، اون دردنجی باب ، ۲۱ - ۲۳) ،
 وسیلانی اولان کیمسه سیلانک تعطیلندن صوکر تطهیری ایچون کندینه یدی کون صایوب
 البسه سی یبقایه رق تنفی بیکار صوی ایله یبقادقده طاهر اولاجق در . سکزنجی کونده
 کندیسنه ایکی قومری یاخود کوررجین یاوروسی آلسون وجماعت چادیرینک قاپوسنده
 ربک حضورینه کلوب آنلری کاهنه ویرسون ، کاهن دخی آنلرک برنجی کنه قربانی
 ودیکرینی محرقه اولمق اوزره عرض ایدرک کاهن آنک ایچون ربک حضورنده سیلانندن
 دولانی امر کفارتی اجرا ایدرکدر » (لایلولر ، اون بشنجی باب ، ۱۳ - ۱۵) ،
 « برقادینک سیلانی اولوب تنک سیلانی قان اولدینی حالده یدی کون آیری طوروب
 آکا هرطوقونان کیمسه آقشامه قدر ناپاک اولاجق در ... سیلانندن طاهر اولدقده کندینه

یدی کون صایوب آندن صوکره طاهر اولاجق در . سکزنجی کونده کندیس ایچون
ایکی قومری یاخود ایکی کوورجین یاوروسی آلوب آنلری جماعت چادیرینک قابوسنه
کوتورسن ، کاهن دخی برنی کنه قربانی دیکرینی محرقة اولق اوزره عرض
ایده رک کاهن آنک ایچون ربک حضورنده ناپا کلکنک سیلانندن دولای امر کفارتی
اجرا ایده جکدر . . . سیلانی اولان و منی چیقلمسیله ناپا اولان کیمسه
حقنده و حیضنده خسته قادین و سیلانی اولان - کرک ارکک کرک قادین اولسون -
وناپا قادین ایله یاتان ارکک حقنده قانون بودر » (لاویلور ، اون بشنجی باب ، ۱۳ ،
۱۶ ، ۱۹ ، ۲۰ ، ۲۸ ، ۳۰ ، ۳۲) ، کذلک « برقادینک حیض و قی دکل ایکن قانتک سیلانی
برجوق کون سوررایسه یاخود حیضی وقتندن زیاده آقاجق اولور ایسه ناپا کلکنک سیلاننک
هپ کونلری حیضنک کونلری بی اولارق ناپا اولاجق در . سیلاننک هپ کونلر
مرقومه نک یاتدینی هر یاناق کندینه حیضی یانغی کی اولوب اوزرنده اوطوردینی هر برشی
حیضی ناپا کلکی کی ناپا اولاجق در . آنلره هر طوقونان کیمسه ناپا اولمقله البسه سی
یقایوب کندیس ده صو ایله ییقانه جق و آقشامه قدر ناپا اولاجق در سیلانندن طاهر
اولدقده کندینه یدی کون صایوب آندن صوکره طاهر اولاجق در . و سکزنجی کونده
کندیس ایچون ایکی قومری یاخود ایکی کوورجین یاوروسی آلوب آنلری جماعت چادیرینک
قابوسنه کاهنه کوتورسون ، کاهن دخی برنی کنه قربانی و دیکرینی محرقة اولق اوزره
عرض ایده رک کاهن آنک ایچون ربک حضورنده ناپا کلکنک سیلانندن دولای امر
کفارتی اجرا ایده جکدر » (لاویلور ، اون بشنجی باب ، ۲۵-۳۰) ، « اگر برکیمسه
بروجهله یاننده آنسزین اولوب تقدیس اولومش باشی ناپا اولور ایسه تطهیری کوننده
باشی تراش ایتسون ، آتی یدنجی کونده تراش ایتسون ، سکزنجی کونده جماعت چادیرینک
قابوسنه کاهنه ایکی قومری یاخود ایکی کوورجین یاوروسی کوتورسن ، کاهن برنی کنه
قربانی دیکرینی محرقة اولق اوزره عرض ایلیوب آکا جنازه سندن دوچار اولدینی کناهدن
دولای امر کفارتی اجرا ایده رک او کونده باشی تقدیس ایتسون » (اعداد ، اون برنجی
باب ، ۹-۱۱) .

تطهیر خصوصنده قانی قوللا تلحق اوزره بری قربان اولارق کسبلن ایکی قوش ،
برله بری یاخود برله برعلتیه بولاشیق اوی تطهیر ایتک ایچون قولانیلیر : رب موسایه خطاباً
دیدى که : جذاملونک تطهیری کوننده آنک حقنده اجرا اولونه جق قانون بودر : اوکاهنه

کوتورلسون ، کاهن دخی اردوگاهک خارجنه چیقاقق وکاهن باقدقده اکر جذاملی کیمسه جذام علتندن شفا بولمش ایسه کاهن تطهیر اولونه جق کیمسه یه ایکی دیری و طاهر قوش وارز آغاجی و قیرمزی یاپاغی وزوفا اوتی آلسون دیه امر ایده جکدر . وکاهن قوشلرک برینک برطوپراق قابده پیکار صوی اوزرنده بوغازلانیسنی امر ایده جکدر . دیشی قوش ایله ارز آغاجی و قیرمزی یاپاغی یی وزوفا اوتی آلوب آنلری دیری قوش ایله برابریکار صوی اوزرنده بوغازلانیمش قوشک قاننه باطیراجق در . وجذامدن تطهیر اولونه جق کیمسه اوزرینه یدی کره سرپه رک آنی تطهیر ایده جک دیری قوشی صحرا یه طوغری و صالیویره جکدر . (لاولولر ، اون دردنجی باب ، ۱ - ۷) ، جذاملونک خانه سنی تطهیر ایچون ایکی قوش وارز آغاجی و قیرمزی یاپاغی وزوفا اوتی آلاق قوشلردن برینی برطوپراق قابده پیکار صوی اوزرنده بوغازلایه جق در . ارز آغاجی ایله وزوفا اوتی و قیرمزی یاپاغی یی و دیری قوشی آلوب آنلری بوغازلانیمش قوشک قاننه و اول پیکار صوینه باطیروب خانه یه یدی کره سرپه جکدر . خانه یی قوشک قانی و پیکار صوی و دیری قوش وارز آغاجی وزوفا اوتی و قیرمزی یاپاغی ایله تطهیر ایده جکدر . دیری قوشی شهرک خارجنه صحرا یه دوغری صالیویروب خانه ایچون امر کفارتی اجرا ایده جک و او دخی طاهر اولاجق در . هپ جذام علت وکل ، البسه و خانه جذامی ، شیش و اوپوز و بارلاق لکه خصوصنده قانون بو اولوب نه زمان ناپاک اولدیغی و نه زمان طاهر اولدیغی تعلیم ایچون جذامک قانونی بودر ، (لاولولر ، اون دردنجی باب ، ۴۹ - ۵۷) . کوورجین و قومری اسکی عهد مراسمنده دخی بولنور : « رب آکا بنم ایچون اوچ ییلاق برکچی و اوچ ییلاق برقوچ و قومری ایله برکوورجین یا وروسی آل دیدی » (تکیون ، اون بشنجی باب ، ۹)

سوریه لیلر ، قومری به منزلر ، قومری به تماس ایتک برکیمسه یی برکون ناپاک ایدردی . فنیکه لیلر و فلسطینلرده قومری مقدس بر حیواندر .

سامیلرده ده کوورجین به نمر و کوورجینه طوقولمازدی . رومالیلرده کوورجین ، و نه نوسه قربان ایدیلیردی . فی الحقیقه ، مؤخر زمانلرده رومالیلرک و نه نوس عبادتی ، اساساً Astarté نکر رفیقی اولق اوزره کوورجینک خصوصی بر توقیر مظهر اولدیغی Eryx (الیوم سجلیاده Catalfano شهری) حریم الاحرامندن نشأت ایتشد . مقدما سویله دیکمز کی عبرانیلرده کوورجین آنجق مستثنا اسباب دولایسیله قربان ایدیلیردی . حرانلیلر ، کوورجین قربان ایتزلردی .

قومرولره عبادت ایدن « سامریلر » (قدیم نابلسیلر) قارشى عمومیتله خرافاته مستند یهودی اسنادی بوعبادتن دولایى در [۱] .

مقدس قومریلر ، مکده دخی موجوددی . عبرانیلرده کی ناپا کلکدن تطهر آیتیک مشابهی عربلرده جاری ایدی .

عربلرده بر طول قادن تکرار ازدواج ایتمزدن اول ، طوللقنک ناپا کلکدن تحمیل ایتدیکی اعتقادله بر قوش صالیو یردی . [۲]

قومرینک عبرایلر ایچونده طاهر بر قوش اولدینی قطعی در : زیرا لاولولر کتابنک مکروه قوشلری تعداد ایدن اون برنجی بانی اون اوج ومتعاقب فقره لرنده قومری بولونمادینی کبی نوعی ده مذکور دکلدر . قارماجه لیلرک قربان لیسته لرنده قوشلر مذکور ایسه ده موضوع بحث قوشلرک حقیقتاً طیورمی یوقسه کومس حیواناتی اولدینی مشکوکدر . فقط علی العاده قربانلر، Shelem kolil یاخود کفارت وکھانت کبی خصوصی مقاصد ایچون مستعمل قربانلردر . [۳]

بالق : بالق اسراییلرده یه نیر، فقط قربان ایدیله مزدی . بالعکس بت پرست همجوارلری ایچون یعنی Astarté عابدلری و بوتون سوریه لیلر ایچون ، بالق یاخود هیچ دکلسه بالغک

[۱] بی عهده ، عیسائک ابی سامری تمثیلی ده ، سامریلر حقنده کی خلقی اعتقادلرک بر جهتی تلیح ایدیور : « عیسا جواباً دبدی یکه : بر آدم اورشلمیدن (قدس) اریحایه اینرکن خرسزلر انه دوشدی . آنلر آتی صویوب پارالادندنصرکه یاری اولش بر اقوب کیتدلر ، راست کله اول یولدن برکاهن اینرکن آتی کوردکده او بر طرفدن کچوب کیتدی ، کنلاک اول محله برلاویلو (خام) دخی کلکله واروب آتی کوروچیه اولر طرفدن کچوب کیتدی . لکن بر سامری بوله کیدرکن بولندی یه کلوب آتی کوردکده آجیدی . یانه کلوب یاره لینه زیت یاغی ایله شراب دوکدرک آنلری صاردی . و آتی کندی حیواننه بندیره رک برخانه کوتوروب آکا مقید اولدی ... »

(لوقا ، اوننجی باب ، ۳۰ - ۳۴)

[۲] Waob ، سالف الذکر اثر ، ص ۱۵۱ ، نوط ۲

اساساً مشابه اعتقادلر ، باشقا یرلرده بولنور: فرضاً آتنده Thargelia (۲۴ ، ۲۵ نجی کونلرینه تقابل ایدن حصاد بایرای) مناسبتله بری ارککلر ، دیکری قادیلر ایچون مدینه دن طیشاری ایکی قربان صالیو یریلیدی .

مذکور اثر ، ص ۱۵۰ ، نوط ۱ ، کنذا Frazer ، سالف الذکر اثر ، برنجی جلد ، ص ۳۲ ، صوماترا آطه سنده چوجنی اولمایان بر قادن ایچون ، قربان ذبح ایدیلر ، قصرلقنک بر قوشه تحمیل و نقلی ایچون دطا ایدلکد نصرکه بو قوش صالیو یریلیدی . فره یز ، مذکور اثر ، ایکنجی جلد ، ص ۱۵۱

[۳] فیلیپ برژه ، رهنه دوسودتک سالف الذکر مقاله لری .

بعضی نوعلری اکلی ممنوع برغداددر. بالقی ییه نلرک وجودنده یارالر پیدا اولاجغنه اعتقاد ایدیلیوردی. آنجق احوال فوق العاده قربان ایدیله بیلیردی.

کوپک: کوپک قربان ایدلدیکنی اشعیا کتایبندن آکلایورز: «صغیر بوغازلایان، آدم اولدیران کبی، قوزی ذبح ایدن کوپک بویونی قیران کبی، اتمک تقدیمه سی تقدیم ایدن خنزیر قانی تقدیم ایدر کبی، بخور یاقان تپه طایبان کبی در. حقیقتاً آنلر کندی مسلکلیرنی سجدیلر و جانلری مکروهاتلرندن خوشلانورلر» (اشعیا، آلمش آلتنجی باب، ۳)

داراء قارتاجه لیلرک بشری قربانلر تقدیم و کوپک اتی یملرینی منع ایتشدی. بو منع ایله دینی بریمک موضوع بحث اولدینی آکلاشیلمالیدر.

حرانلیرلده کوپک مقدس بر حیواندی. حرانلیرلر کوپکه قربانی تقدیمه لرده بولورلردی. اسلامی عنعنه ده کوپکه، احتمالکه کوپک پت پرستلکده حائر اولدینی قدسیق استلزام ایدن جنی بر ماهیت عطف ایدیلشدر: فی الحقیقه اسلاملر کوپکه مرحمت و نفرتک غریب بر امتزاجله باقارلر. کوپک بر طرفدن غیر طاهر در. فقط دیگر طرفدن کوپکلی بسله مک بالخاصه صو ویرمک اثر مرحمت در. کوپک اولدیرمک دینی حسیاتی تحریک ورنجیده ایدر. [۱] فاره: اشعیا کتایبنده فاره، طوموز ایله برابر منفور بر قربان اولارق کورونیوره: «باغچلر اورتاسنده برینک آردی صره کندیلرینی تقدیس و تطهیر ایدنلر خنزیر اتی و مکروه شیر و فاره ییه نلر برلکده هلاک اولاجقلر. دییه رب بویورور» (اشعیا، آلمش آلتنجی باب، ۱۷). لاولولر کتایبنده مکروه کله سی، فاره و دیگر درت ایاقلی حیواناتی محتوی بر تعیر اولارق عمومیتله یرده سورون حیوانات خصوصنده استعمال ایدیلشدر: «یر یوزنده سورونان حشرانک کافه سی مکروه اولوب یه نیلمیه جکدر. یر اوزرنده سورونان

[۱] دمیری، حیات الحیوان ترجمه سی، ایکنجی جلد، ص ۲۲۳

کذا، و. ر. روبرنش، سالف الذکر اثر، ص ۲۹۱ - ۲۹۲

«سوقق کوپکلی دایما بر صورتله بین الملل مشکلات احدات ایدیورلر... روس تبعه سندن بر خریستیانه یولده کوپکلی هجوم ایشلر، بو ذاتمه روولورله بولردن برینی اولدیرمش، بونی کورن سیدلر آدم اولدیردک دیهرک بوخریستیانی فوق العاده دوکشلر، ویاری اولو برحالدله پولیس قره قولته کوتورمشلدر... Persian life and customs, S. E. Wilson ص ۵۶، نوط ۲

ملکتمزده تقریباً اون بش سنه دنبری شهرک صحتی نامنه بلدیته کوپکلی اتلاف خصوصنده کی فعالیت قارشوسنده خلک کوپکلی کوستردیی مرحمت و صحبات، اتلافدن قورقارقی ایچون بولری حق اولرنده صافلاملی یوقاروده عرض ایتدیکمز حسیاتی چوق ایی اثبات ایدر.

خشراتک کافه سندن قارنی اوزرنده سورونان ودرت آياقده کزن وچوق آياقلى اولانلرک هيچ برى يه ميه جکسه کز ، زيرا مکروه درلر ، (لاويلور ، اون برنجى باب ، ۴۱ - ۴۳) . بوتون بوحيوانات صوکه درجه غيرطاهر درلر . تماس ايتدکلى هر شئه ناپاککلکلى انتقال ايتديرمکه مقتدر درلر . بو حيوانلرک شدتلى بر قابو موضوعى اولمالرى ، عربلرده ييلانک وضعيقى کي ، فوق الطيعه وچى ماهيتلره صاحب اولمالريه قابل ايضاح در . فى الحقيقه حزقيال کتابنده بونلرک خرافه وى عبادت ماده لرى اولدقلىنى کورويورز : « ... کيروب برده باقدمکه هر نوع سورينانک و مکروه حيوانک صورتى وبيت اسرائيلک بتلرينک کافه سى ديوار اوزرنده هر طرفده رسم اولومش ايدى » (حزقيال ، سکزنجى باب ، ۱۰) . حرانيلر تارلا فاره سى قربان ايدرلردى .

بارکیر : بارکیر کونش اللهک مقدس بر حيوانى ايدى . زيرا دردنجى ملوک يهودا ملکلرينک بو الوهيه تخصيص ايتدکلى بارکیرلردن بحث ايديور : « يهودا ملکلرينک کونشه تخصيص ايتمش اولدقلى آتلى بيت الربک مدخلندن يعنى ربابارده اولان خادم نانان ملکک او طه سى يانندن قالديروب کونش آرابالرينى آتسه ياقدى » (۴ ملوک ، يکرمى اوچنجى باب ، ۱۱) . تماماً سامى دينک نمونه سى اولان ردوسده ، کونشى تسعدياچون اجرا ايديلن سنوى شکلنده درت بارکیر قربان اولق اوزره دکزه آتيليردى . قرآنده ذکر ايديلن ضمير آراسنده بولونان « يعوق » اله ، بارکیر شکلنده ايدى . (اليوم باموق قلعه) معبدى باغچه سنده کى مقدس بارکیرلر بولونيوردى . قارتاجه ليلر ايسه مقدس رمزى قانادلى بر بارکیر (Pegasus) در .

عبرانيلر وحقى فيکه ليلرده ، مذبحه يه نباتى مقدمه لر وضعندن اول بو مقدمه لره ، على العاده بمکلرده قولانيلدينى وجهله زيتون ياغى قاريشديرمق معتاد ايدى . بر کيمسه ربه آتمک مقدمه سى تقديم ايدمک اولور ايسه مقدمه سى خاص اوندن اولوب اوزرينه زيتون ياغى دوکسون و اوسته کونلک قوسون ... فرونده پيشمش آتمک مقدمه سى تقديم ايدمک اولور ايسه خاص اوندن زيتون ياغيله يوغورولمش ماياسز پيده لر ياخود زيتون ياغى سورولمش ماياسز يوقه لر اولسون ، (لاويلور ، ايکنجى باب ، ۱-۴) ، « واکر مقدمه نک طاواده پيشمش مقدمه ايسه زيتون ياغيله يوغورولمش خاص اوندن اولسون ... اکر مقدمه نک تجرده پيشمش مقدمه ايسه خاص اوندن زيتون ياغيله ياپيلسون » (لاويلور ، برنجى باب ، ۵ ، ۷) ، « يعقوب صباحلاين ايرکن قالفدى وباشى آتسه قويدينى

طاشی آلوب آنی دیرک دیکرک تپهسنه زیت یاغی دو کدی و او محله بیت نیل تسمیه ایلدی. اما او شهرک اسمی مقدا لوز ایدی (تکوین، سکونجی باب، ۱۸، ۱۹) حیوانات ایله تعیش ایدن ملتلرده طوز قولانماسنک ضرورتی کبی، طوزسز حیوانات تقدیمه سی ناقصی بر تقدیمه در. عینی زمانده طوز بر نشانه عهددر: «هر اتمک تقدیمه سنه طوز قویاسین، و اتمک تقدیمه سندن اللهکک عهدینک طوزینی اکسیک اتمه یوب هر بر قوربانک ایله طوز تقدیم ایدهن» (لاویلور، ایکونجی باب، ۱۳)

شراب: yothans ک تمثیلی کبی «الله و انسانلری نشئه لندیرر»: «آصمه دخی آنلره اللهی و انسانلری شاد ایدن شرابی ترک ایدوب آغاجلر اوزرینه سالانمغه می کیده می دیدی» (حاکم، طقوزنجی باب، ۱۳). فی الحقیقه شراب بوتون یاغه تقدیمه لرنده بولندی کبی عابدلرک اشتراک ایتش اولدقلری بالجله قربانلره دخی علاوه اولنور: «محرقه یاخود قربان ایله هر بر قوزی ایچون مشروبات تقدیمه سی اولارق برربع هین [۱] شراب عرض ایلهن» (اعداد، اون بشنچی باب، ۵)، «... والله آکا اسمک یعقوبدر بوندن بویله اسمک یعقوب دینلمه یوب اسمک اسرائیل اولسون دیرک آکا اسرائیل تسمیه ایلدی... الله آنکله تکلم ایلدیکی محله آنک یانندن یوقاری چیققدقه یعقوب اللهک کنیدیسی ایله تکلم ایلدیکی محله طاشدن بر دیرک دیکوب اوزرینه مشروبات تقدیمه سی دو کدی و اوزرینه زیتون یاغی دخی دو کدی. یعقوب اللهک کنیدیسیله تکلم ایلدیکی محله بیت نیل تسمیه ایلدی» (تکوین، اوتوز بشنچی باب، ۱۰ - ۱۵)

شراب، مشروبات تقدیمه لرنده خصوصی بر ماده اولمقله برابر قربانک منتظم بر متوافقی در: «... قوزینک بری ایله برربع هین دوککش زیتوندن آقان یاغله یوغورولمش بر عشر خاص اون و مشروبات تقدیمه سی ایچون برربع هین شراب اولسون» (خروج، یکرمی طقوزنجی باب، ۴)، «... ربه خوش رایحه لی قربان اولق اوزره آنک اتمک تقدیمه سی زیتون یاغله یوغورولمش ایکی عشر خاص اون اولسون و آنک مشروبات تقدیمه سی برربع هین شراب اولسون» (لاویلور، یکرمی اوجنجی باب، ۱۳)، «اتمک ایله برابر برریللق یدی قصورسز قوزیلر ایله برطانا وایکی قوج تقدیم ایده سکزر. بونلر ربه محرقه اولارق اتمک و مشروبات تقدیمه لری ایله ربه خوش رایحه لی قربان اولاجق در» (لاویلور، یکرمی اوجنجی باب، ۱۸)، «ربه کوننده قربان یعنی محرقه و اتمک تقدیمه سی و ذبیحه و مشروبات

[۱] برمین، اوج اوققه در.

تقدمه‌سی تقدیم ایتمک اوزره مقدس جماعتک تجمعی اعلان ایده جککمز ربک بایراملری بونلردر، (لاویلولر، یکریمی اوچنچی باب، ۳۸)، کذا... قربانلرینک یاغنی ییمن و مشروبات تقدمه‌لرینک شرابی ایچن وصیغندقلری قایا اولان اللهلری نره‌ده‌در. قالدسونلر سزه یاردیم ایتسونلر، سزی حمایه ایتسون دیه جکلردر، (تئیه، اوتوز ایکنچی باب، ۳۷، ۳۸)

مختلف قربانلره نظرا شرابک مقداریده تنیت ایدیلشد: « محرقه یاخود قربان ایله هر بر قوزی ایچون مشروبات تقدمه‌سی اولارق برربع هین شراب عرض ایله مش (اعداد، اون بشنچی باب، ۵)، « یاخود بر قوچ ایچون... مشروبات تقدمه‌سی ایچون برثلک هین شراب ربه خوش رایحه اولق اوزره تقدیم ایلیه‌سین. بوزاغی کتوردیکنده مشروبات تقدمه‌سی اولارق بر نصف هین شراب کوتوره‌سین. خوش رایحه اولق اوزره بوربه قرباندر. هر بر صیغیر یاخود هر بر قوچ ایچون یاخود قویون وکی ایچون بویله اجرا اولنسون، (اعداد، بشنچی باب، ۵ - ۱۱). اساساً مبذول اوزوم استحصا ایدیلن هر یرده شراب تقدمه‌سنگ عالمشمول اولدیغنی کوروپورز [۱] عربستانک بر قوچ یرلرنده نادر و بهالی اولان شراب مکده بیله چوق استعمال ایدیلیدی.

قانک مشروبات کبی تقدیمی بت پرستلک عملی اولدیغندن دولای منع ایدیلشد: « قوم یاغمایه دوشوب قویون و صیغیر و طانالری آلارق یریوزنده بوغازلادیلر و قوم اتی قانی ایله یدیلر و ساوله ایشته قوم اتی قانی ایله ییوب ربه کناه ایشله‌یور دیه ربک خبر و ربلمکله او دخی عاصی اولدیکمز یاغه بویوک برطاش یووارلاییکمز دیدی و ساول دیدیکی قوم آراسنه طاغیلوب آنلره خطاباً هر کس کندی صیغیری و قویوتی بکا کوتورسن و بوراده بوغازلایه رق بییکمز و قانی ایله ییوب ربه کناه ایتمه بییکمز دبه سکمز، بویله جه بوتون قومدن هر کس اول کیجه ایله صیغیری کتوروب اوراده بوغازلادی، (برنجی ملوک، اون درنجی باب، ۳۲ - ۳۴) کذا «وقانلرینی آغزلرندن و مکروهاتلرینی دیشلری آراسندن دفع ایده جکم، (ذکریا، طقوزنجی باب، ۵)، « لیکن اتی جانی اولان فانی ایله برابر یمه سکمز، (تکوین، طقوزنجی باب، ۴)، کذا «قانی ات یمه یمه سکمز، قنل ایتیه سکمز، منجملک ایتیه سکمز، (لاویلولر، اون طقوزنجی باب، ۲۶). بو صوک فقره‌ده بت پرست فالجیلرک الهام ایچون قان ایچدکری ایما اولنیور. « بواجلدن آنلره سویله که رب یهوا [۱] بانقرض یونانیلرده Euménides و Nymphes له و Emesag ده کونشه دوکیلن شرابلرکی

بویله بویورور، سز اتی قانیله بیرسکیز و کوزلیکیزی پتلیکیزه قالدیریرسکیز و قان دوکرسکیز، سزیمی دیاری میراث آلاجقسکیز» (حزقیال، اوتوز اوچنجی باب، ۲۵) یونانیلرده، Argos و سائر لرلرده الهام آلمق ایچون قان ایچیلیدی [۱].

بنی اسرائیلده، سوت هر نه قدر عمومی بر غذا مادهسی اولساده عبرانی قرباننده سوتک موقعی یوقدر. فقط سوت دوکمه « libation » عربلر و قارتاجه لیلرده مستعملدی. « واد » الوهیتنه تقدیم ایدیلش بر سوت تقدیمهسی معلومز اولدییی کبی، اوزرینه سوت دوکلمش آرپه و بغدادین عبارت تقدیمه لریده کذابیلوروز. اساساً عربلرک اکثریسی چوق فقیر اولدقلرندن بوتقدیمه لرک وهله اولاده ظن ایدلدیکندن دها چوق موقعی واردر [۲] عبرانی تقدیمه لری آراسنده سوتک بولنمایشی سینی لاولولرک بوخصوصده کی قانونی ایضاح ایدر: « قربانک قانی مایالی اتمک ایله تقدیم اتمیه سک و بایرامک یاغی صباحه قدر قاطاسون» (خروج، یکریمی اوچنجی باب، ۱۸)، « ربه تقدیم ایده جککیز اتمک تقدیمه لرینک هیچ بری مایالی یا پلاسون. زیرا ربه قربان اولق اوزره اصلامایا وبال یا قیاه جقسکیز» (لاولولر، ایکنجی باب، ۱۱)

صیحاقلیملرده سوت چابوق تحمرایتدیکی ایچون عمومیتله اکشیمش یه نیر. مع هذا متخمر شیرک مذبحده تقدیم ایدیلسنی منع ایدن قانونه شمالی اسرائیلده هر قربان شککنده مراعات ایدیلهمشدی: « شکر قربانی مایالی اولارق تقدیم ایدیکیز و متبرع تقدیمه لر اعلان وندا ایدیکیز. زیرا ای بنی اسرائیل سز بویله یا پماغی سودیکیز دیه رب یهووا بویورور» (عاموسی، دردنجی باب، ۵)، لاولولر شریعتی بوخصوصده اک بویوک مساعدکارلقده بولونیور: شکر ایچون سلامت ذیحاسی پیده لرندن ماعدا مایالی اتمک تقدیمهسی دخی تقدیم ایلیه سین» (لاولولر، یدنجی باب، ۱۳) و « صالامه تقدیمهسی اولق اوزره مسکنلر کزدن ایکی اتمک کتوره سکیز. بونلر دخی ایکی عشر خاص اوندن مایه لی پیشیرلمش اولارق ربه طرفانده اولسون» (لاولولر، یکریمی اوچنجی باب، ۱۷). تحمیر نتیجه سنده حصوله کان شرابک منسکده بویوک برموقعی بولندیفی حالده بالعکس مایه نک قرباندن اخراجی غریب کورونور. مایه وضحرک مستمرانه منعی دینی محافظه کارلق بساطتیه ایضاح اتمک مشکلدیر. ذاتاً اک اسکی شکله مایانک تشریحی منعی یالکیز

[۱] بوخصوصده مفصل معلومات ایچون، فره یزر، سالفالدکر اثر، برنجی جلد، ص

[۲] نولدکه، Arabia, Hastings. Encyclopaedia of Religion and Ethics، مقاله سی، ص ۶۶۵

فصح بایرامنه مقصور اولدیغنه آئیده کی فقره لر شهادت ایتمکده درلر : « سنه ده اوچ دفعه بکا بایرام ایده سک . فطین بایرامنی حفظ ایده سک . آیب (مارت - نیسان) آئیده یعنی معین وقتده . سکا امر ایتدیکم کی یدی کون فطیریه سک ... قربانک قانی مایه لی اتمک تقدیم ایتیه سک . بایرامک یاغی صباحه قدر قالماسون . ذیحمه مک قانی مایه ایله تقدیم ایتیه سن . فصح بایرامنک ذیحمه سی صباحه قدر قالماسون » (خروج ، اوتوز دردنجی باب ، ۲۵) . بوفقره ده کی یاغ ایله اتمک صباحه قدر براقلماسی قانونیه مایه نك منعی تماماً برینه مربوطدر . زیرا فصح بایرامنه یاقیندن اقربا بعضی عرب قربانلرنده بالاخره تفصیلاتیه کوره جکمز وجهله قربان اتی طلوعدن اولحق چیک اولارق نیممی ایجاب ایدیوردی : بعدالمیلاد ۴۱۰ سنه سنده petraea (الیوم کرک) عربلرینک اجرا ایتدیکی خصوصی بر قربان طریزی Nilus تصویر ایتشدیر : بوکا نظراً عربلر عزایه یعنی صباح ییلدیزینه ، طلوعدن اول بویوک راسته عجال ایله برانسانی یاخود بیاض بر دوه قربان ایدیورلدی . بواسطه عجال سببی ، صباح ییلدیزینک قربان ائناسنده حاضر بولونماسی تأمین اتمک اولدیغی آشکاردر . مقدس محل اطرافنده الهی سویله رک اوچ دفعه یورود کدنصکره رئیس یاخود اختیار برپاس (سادن) قربانه بوقیدچله ووروب آقان قانی ایلک ایچر . بعده خلق قوشارق حیوانک قویارایلدکری پارچه لرینی کمیکلر ایله ، باغری صاقلری طلوع ایدن کونشیه قارشى قویارلر [۱] شو حالده قربانک مؤثریتی دیری انه وقانه معطوف اولدیغی مستبان اولور . چورومکه مستعد هرشیدن اجتناب ایدیلسنک سببی ده بودر . تحمر ایله چورومه آراسنده کی مناسبت ایسه آشکاردر .

سوتک قربان خصوصنده قوللانماسی منع ایدن مثبت قانونی شودر : « ... اوغلاغی آناسنک سودیله پیشیرمیه سین » (خروج ، یکریمی اوچنجی باب ، ۱۹) ، « ... اوغلاغی آناسنک سودیله پیشیرمیه سین » (خروج ، اوتوز بشنجی باب ، ۲۶) [۲] بوراده موضوع [۱] سالف الذکر هه ستمش آنسیقلوپه دیسی ، نولدکه مک مذکور مقاله سی ، س ۶۶۵ وکذا ، لاغرانز ، ص ۲۵۸ ج ایرده Tlemcen قضا سنده ، Aisawa عنوانی بر اسلام جمعیتی ، یوقاروده بحث ایتدیکمز قربانه مشابه ، دبی برآیین اجرا ایدیورلر . بوآیین ائناسنده دیشی برکچی دیری و قیللریله برابر چیک اولارق یورلر . بوخصوصده باقیکنز : Douité, des Aissaoua à Tlemcen ، ص ۱۳ ، petraea عربلرینک یوقاروده مذکور قربانلری حقتده کذا هاروورد دارالفنون تاریخ ادیان مدرسی G. Z. Moore ک History of Religions ، ایکنجی جلد ، ص ۶ [۲] « اوغلاغی آناسنک سودیله پیشیرله می » سببی فولکلور ماده سی اوله رفته تدقیق وایضاح

بحث اولان آناسنک سودی، عبرانیلرده عمومیتله استهلاک ایدیلن ساده جه کچی نك سودیدر: طعامك ایچون و خانه نك طعامی ایچون و جاریه لرینك نفقه سی ایچون کفایت مقداری کچی سودك اولاجقدر. (امثال یکریمی یدنجی باب، ۲۷) سوتله یدشیرلمش ات، عربستانده حالا استهلاک ایدلمکده اولان بریمکدر. اساساً خروج کتابنده کی ققره لرك سیاق و سباق بعض اسکی قربان شکله شهادت ایتدیکنی کوستریبور: «و جدعوت کیدوب براوغلاق و برافا [۱] اوندن فطیر پیدملر حاضر لایوب آتی سپته قویدی. آنک صوینی دخی بر تجربه قویارق آنلری بطم آغاجی آلتنده یانه حیقاروب تقدیم ایلدی. اللهک ملکی دخی آکا آتی و فطیر پیدملری آلوب شو قایا اوزرینه قووانک صوینی دولک دیدی. او دخی اویله یایدی. اوزمان ربك ملکی آنده عصاسنك اوجنی اوزاتوب انه و فطیر پیدملره طوقوندقه قایادن آتش چیقوب آتی و فطیر پیدملری یاقدی. و ربك ملکی اونك کوزلری اوکندن کیتدی.» (حاکملر، آلتنجی باب، ۱۹، ۲۱).

ابتدائی ملتارک اکثریسنده، سوت قانک بر معادلی اولارق، تلقی ایدیلیردی. بویله جه آناسنك سودنده پشمش براوغلاق «قانی» یمکه معادل اولق اوزرده آکلاشیله بیلیر. عینی برنسیپ، بالک منصفی و معاصر عربجهده «دبس» یعنی پکمزك افاده اتمش اولدینی قایناتیلار قویوتیلشمش میوه عصاره سی دخی احتوا ایدر: «ربه تقدیم ایدم جککیز آتمک تقدملرینك هیچ بری مایلی پایلماسون. زیرا ربه قربان اولق اوزره اصلا مایه یاخود بال یا قمایه جقسکیز» (لاویلور، ایکنجی باب، ۱۱). مع هذا قارتاجه لیلرده میوه طبیعی حالده اولارق تقدیم ایدیلیردی. عبرانیلرده دخی قدیم زمانلرده تقدیم ایدیلش اولدینی محتملدر: «اول دیاره کیروب میوه سی ینیر هر هانکی نوع آغاج دیکدیکزده آنک میوه سی ختانسز کی نایک طوتارسکیز، سزه اوچ سنه ختانسز اولارق ینیلمه سون. دردنجی سنه سنده میوه سنك کافه سی ربه ثنا ایچون مقدس اولسون» (لاویلور، اون طقوزنجی باب، ۲۳، ۲۴)، «صحرايه چیقوب کندی باغلرینی بوزدیلر و اوزوملری باصوب ذوق و صفا ایتدیلر و الاهلرینك خانه سنه (حریم الاحرام) کیروب یدیلر...» (حاکملر، طقوزنجی باب، ۲۷).

قارتاجه لیلرده میوه تقدیمی. معاصر یهودی خیمه لر بایرامنده اولدینی کی محمول بر

ایدیلشد: فره یزر، Le folklore dans l'ancien Testament، فرانسجه یه مختصر ترجمه سی، ص ۳۱۳ و متعاقبلی

[۱] برافا، اون سکیز اوققه در.

دالک تقدیمندن عبارتدر . چادیر بایرامی ضیافتنده نفیس میوهلر تقدیم ایدیلسی خاصه امر ایدیلشدر: «... و برنجی کونده کندیلریکزه کوزل آغاچلر میوهسنی خرما داللری و صیق یاپراقلی آغاچ داللری و دره سو کودلری آلوب اللهکزر ربک حضورنده یدی کونلک شنلک ایده سکز » (لاویلور ، یکریمی اوچنجی باب ، ۴۰) . واقعا قارتاجه کتابه لرنده میوه تقدیمی حقنده ویریلن معلومات هر نه قدر جزئی ایسه ده میوهنک دائمی بخور ایله برابر ذکر ایدیلسنندن دولایی مذبحده تقدیم ایدیلدیکنی قطعیتله آکلایورزه . بو عبرانی آیتنک دخی منشی ، اصلی معناسی اولدیغی شبهه سزدر . [۱]

عبرانیلرده نباتی یا خود حیوانات تقدیمه لری بالخاصه ایلك محصول شکلنده تقدیم ایدیلکله برابر بو تقدیمه لری که چوق مستعمل حیوانی بر قربانه ترفیقاً تقدیم ایدن برعبرانی ، بو تقدیمه سنی دهها سخاوتکار قیلماغی تأمین ایدن بوماده لری علاوه ایتسی ایجاب ایدردی . سامی اولدیگلدده ، بو مختلف تقدیمه لر آداسنده اک مهمی حیوانی قربانلردر . فی الحقیقه بو انمودجی بر قرباندر . فنیکیلیلرده خاصه کسيلمش قربان معناسه کلش Zebak کله سی ، عبرانیلرده حتی آتمک ، زیتون و یاغ تقدیمه لرینه ده شاملدر . منسکده ، حیوانات تقدیمه سنک قالی اهمیتی ، سامی عرقلک تاریخی ایله مناسبتداردر : زیرا بوتون سامیلر ، بدایتده بدوی عرقلره منسکی ایله یرلشمش کنعانیلر منسککنک برچوق نقطه لرده اشتراکی ، قربانی عبادتک باشلیجه خطوطی سامی نسبک هیچ بر قسمی هنوز زراعتی اوکره نوب حیواناتی باشلیجه طعام اولارق قبول ایتزدن اول تثبیت ایدیلش اولدیغی محققدر : « ائیدی اختیارلرمن و دیاریمزک بوتون سکنه سی بزه سویله یوب یانکزه یول ایچون آزیق آلوب آنلری قارشولاییکز . و آنلره بز قوللرکززه شمدی بزم ایله عهدایدیکز دیو سویله ییکز دیدیلر . سزه کلک اوزره چیقدیغمزکون بوا تمکمز یملک ایچون خانه لریمزدن آلدیغمزده صیجاق ایدی . شمدی ایشته قورومش و کوفلنمشدر . » (یشوع ، طقوزنجی باب ، ۱۱ و متعابقری) . یشوعک بوفاده سی زراعی ملترک باشلیجه ذخیره سی صورتنده تلقی ایدیلیدر . سامیلرده معتاداً و دائمی اولق اوزره قبول ایدیلش اولان قربانلرک یکانه صنفی تشکیل ایدن اهلی حیوانات اتی ، حتی بدوی عرقلرده بیلر عمومی یملک ماده سی دکلدی . بدوینک هر کونکی یملکی سوت ، الله ایده بیلیر ایسه او حیواناتندن و محدود

[۱] مقایسه بوپوروکز : « رب بکا دیدی که : بنه کیت دوستی طرفندن سویلن برزانیه سو ، نته کیم بنی اسرائیل غیری اللهله دونوب اوزوم پیده لری سوزلر ایسه ده رب آنلری سور » (هوشع اوچنجی باب ، ۱۰) بوقره بعالم عبادتیه مناسبتدار کورونیور .

مقدارده خرما واوندن عبارتدی . اون بيله على الاكثر بالذات استحصال ايديلسکدن زياده آنجق صاتون آنجق ياخود سرقت ايله اکتساب ايديلن بر ماده در . اهلی حیوانات اتندن نادراً استفاده ايديلير ياخود قحطلق زمانلرنده يه نيردی . [۱] بناءً عليه قربانلر ماده سنک انتخابی اداره ایدن يکانه عمده انسانی غدادن عبارت اولسايدی، بدوی منسکنده آنک دکل ، فقط سونک فائق بر موقعی بولنوردی . حقيقت عکسی در . بومشکلانی رفع ايچون، قربان اولارق تقديم ايديلن ماده نك، بالطبع ممکن اولديني قدر الكفيس نوعدن تقديم ايلسي مجبوري تي ايجاب اينديرر ايسه ده، فقط بو برنسيه بناءً آوحيوانلرينك نيچون قربانندن اخراج ايدلسی لازمکليکني ايضاح ايدم .ز . زیرا برغزال ياشلی بر دوه دن دها فنا بر غدا دکلدر [۲] . بناءً عليه بوماده نك حقيقي حل وايضاحی باشقا براسقامتده يعنی عبرانيلرده قربانی يملکك قربانسنر احضار ايديله مديکي جهتنده آرانمليدر . تقدمه، ذخيره دن عبارت ايسه ، مذبحده ياخود مقدس محللرده الوهيتک وکیل ومثللری اولان پاپاسلر طرفندن تماماً استهلاك ايديليردی : «... وآنک تقدمه سندن بقيه سی هارون ايله اوغللرينك اولسون . ربك قربانندن اولارق اقدسدر» . (لاويلولر، ايکنجی باب، ۳) ، «... وکاهن آنک ايچون کاهنک اولسون » (لاويلولر ، بشنجی باب، ۱۳) ؛ «... ومقدس شيلرده

[۱] ص ۳۲۵ prof. Doughty, Arabia deserta مع هذا Fraenkel, Fremdwörter , ص ۳۱ ده عربلرده باشليجه اتی ايله تعیش ابتدکلینی بوتون راعی قبیله لرده بالعمکس آنک اهميتی تالی اولدينی ادا ايدیور ايسه ده بواقده نك آوحيواناتنه راجع اولدينی قبول ايديلنجه ادا مزنک صحتی تبين ايدر . فی الحقیقه معاصر « سيليب » کي بعض عرب قبیله لرينك سورولری اولما ديفندن تماماً آوحيقله يشاورلر .

[۲] مقایسه بويوريکنز : « واسحق اختيار اولوب کوزلری کورمکدن عاجز اولدقه بويوک اوغلی عيسوی چاغیروب آکا ای اوغلم دیديکنده ليک دیدی ، او دخی ايشته بن اختيار اولدم اوله جکم کونی بيلمه يورم ، شمدی سن سلاحرلیکی تيرکشکی ويايکی آلده صحرايه چيق، بکا برآو آولا وسودیکم وجهله طعام ترتيب ابدوب بکا کتور . بن دخی ييوب اولزدن اول جانم سکا برکت اوقوسون دیدی . واسحق اوغلی عيسوی بونی سويلرکن ربکا دیکلپور ایدی . عيسوی دخی آوی آولایوب صحرايه کيتدی .

اوزمان ربکا اوغلی يعقوبه خطاباً ايشته پدريکک قارنداشک عيسوی بکا آوکوتوروب طعام ترتيب ايله بن دخی ييوب اولزدن اول خضورنده سکا برکت اوقوبه مديکني ايشيتدم .. (تکوين ، يکرمی يدنچی باب ، ۱ - ۷)

ایتدیکی زبانی آنک اوزرینه بشده بری ضم ایدهرک ادا ایله سون و آتی کاهنه و یروب کاهن دخی آنک ایچون صوج قربانی اولان قوچله امر کفارتی اجرا ایدهرک و آکا عفو اولونه جقدردر » (لاویلور ، آلتیجی باب ، ۱۶)

بوتون تفصیلاتیله معلوم اولان عینی طرزده یکانه عرب تقدیمه سی ، « الاقصر » الیهک صنمی اوکنه آووج طولوسیه وضع اولونان تقدیمه در [۱] مع هذا بو تقدیمه ، شبه سزالوهیتله مسافرلری اولیق اوزره تلقی ایدیلن فقیرلرک اشتراکنه مساعده ایدیلیردی . فی الحقیقه nioha کلمه سی دخی افاده ایتدیکی وجهله ، حبوبات تقدیمه سی عابدلرک الوهیتله تأدیه اتمش اولدقلری بر ویرکی ماهیتی حائر اولدیفی محقق در . چونکه قربان ایدیلن حیوانک بر پارچه سی مقدم ایله الهه عائد اولدیفنه نظراً قربان ایدهنه الله برلکده ضیافتده بولونیورلر دیککدر . حیوانی قربانلره قبول ایدیلن رجحان و تفوق ، بسیط بر ویرکی تأدیه سی دکل ، فقط الله ایله عابدلری آراسنده معشری بر اشتراک فعلی اولان قربان نوعنک رجحان و تفوقه تقابل ایدر . معشری یمکک نیچون بر قربان اتی استلزام ایتدیکنی ایسه بالآخره موضوع بحث ایدهرک .

اسکی زمانلرده مذبحیه موضوع بوتون قربانلرک تماماً الهلره عائد غذا اولدیفنه اعتقاد ایدیلشیدی . یونانیلرده هومرک الوهیتلر [۲] خصوصی و خصوصی یونان الهلرینک کچی ، قوچ ، بوغاییه و انسان قربانلرینه کنایه اولیق اوزره « انسان ییه » کی خصوصی لقبلی واردرد .

عبرانیلرده ، مزامیر محررینک قوتلی اعتراضه رغماً [۳] یهودانک بوغالر اتی سیوب کچیلر قانی ایچدیکی تلقیسی ، قربانه الوهیت غداسی تسمیه ایدی . اسکی رهبانی ، منسکی لسانده قالمشدر : « قربانلرینک یاغنی ییهن و مشروبات تقدیمه لرینک شرابی ایچن صیغندقلری قایا الله اولان الهلری نرهدده در . قالمسونلر سزه یاردیم ایتسونلر ، سزی حمایه ایتسون دیه جکلردر » (تثیه ، اوتوز ایکینجی باب ، ۳۷ - ۳۸) . فقط پت پرستلکله دها یوکسک شکلرینده و آتش تقدیمه لری حائده بو تلقینک قایا مادیلکی ، عابدلر حصه سنه الهلرک

[۱] و لهاوزن ، سالف الذکر اثر ، ص ۵۸ و متعابلی

[۲] ایلیادا ، یوز قربان ضیافتی ، طقوزنجی باب .

[۳] « خانه کدن طانا و آغللرندن ارکچ آلام ... اگر آجیقیرسهم سکا سوبله م . زیرا زملین ایله آنده بولونانک کافه سی بنمدر . بوغاییه برییم و ارکچ قانی ایچرییم » ، (اللجی قومور ، ۱۳ ، ۱۲ ، ۹) .

اشتراکندن اول خوشبو قوقوده اثیرلشمسی لزومی عقیده سیله تعدیل ایدیلشدی. بومطالعه
بزی عبرانی قربانی مناسبتیله جلب دقت ایتدیکمز نقطه لر دن ایکنجیسنه یعنی ساده جه
الوهیت اوکنه ، مقدس سفره یه موضوع قربانلر ایله مذبحده استهلاک ایدیلن قربانلر
آراسنده موجود فرقه سوق ایدر .

- مابعدی وار -

صالحی عمر

